

PRESS STATEMENT OF PU B.LALCHHANZOVA, MINISTER, FOOD, CIVIL SUPPLIES & CONSUMERS AFFAIRS IN HIS PRESS CONFERENCE ON 3RD JULY 2024

A hmasa berin chibai ka buk a che u.

Supply minister mawhphurhna pek ka nih atang khan kan state in buhfai kan chawk luh dan, sum sen dan leh enkawl dan te uluk takin ka zira, National Food Security (NFSA) kaltlanga buhfai kan dawn te leh kan state puala buhfai kan lei te uluk takin ka en chho a, Card Eng Antyodaya Anna Yojona (AAY) leh Card Pawl, Priority Household (PHH) hmang mek, AAY-te hian thlakhatah Buhfai 35 kgs a thlawnin an dawng a, PHH te hian mipakhat zelah 5 kgs a thlawnin an dawng a, 3 kgs Rs 15 per kg per person hisap'in an khul ve thin a, card var hmang te hian kg khat Rs 15 in mipakhat tan 8 kgs an khul thin, thlatin hian Buhfai 97,000 qtls vel kan chaw lut thin a, Food Security scheme hnuaiha 37,000 qtls vel a thlawnin kan dawng thin a, a man tlawm tied over 14,900 vel kan lei baw a, Open Market Procurement hmangin thla tin 44,000 vel Rs 4,000 per qtl in kan lei thin baw. Kan Buhfai enkawl mek dan ah hian kan hotu te hnenah rawtna hetiang hian ka thlen a:-

1. NFSA in a huam ve loh te tana Buhfai quata kan pek ang hi state dang te hian an lo pe ve lemlo niin a langa, hei hi kan ti tawp kherlo anih pawhin subsidy kan pek hi ennawn nise, kan state in subsidy a sum kan sen thin hi kan ti tlem thei ang tih leh
2. Retailer te lawmman hi ennawn ni se, chu chuan buhfai buk diklo awm thin hi thui tak a veng thei ang tih hi ani
3. He ka rawtna hi umzuiin Cabinet Meeting Ni 18/06/2024 a neih chuan (a) CM, Minister, MLA leh Group A Officer-te tana Buhfai Quota kan lei thin hi tihtawp ni se, hmahruai ila, khawsak harsa lemlo te pawh ngen chhoh zel nise (b) Buhfai Kg khata subsidy Rs 25 kan pek thin chu Rs 10 ah ti hniamin Card var hmangtuten Rs 15 a an khul thin chu Rs 30 in an khul tawh anga, (buhfai quintal khathi Rs 4,000/- ang velin sawrkarin a lei thin) (c) Retailer lawmman Kg khata Rs 0.50 ni thin pawh Rs 1.50 ah tih san ani tawh ang. (Retailer te lawmman hi NFSA bik ah Centre in Rs 135 per qtls min tum sak a, state in Rs 45 per qtls kan lo tum ve thin). He subsidy ennawn hian NFSA dawngtu Card Eng leh Card Pawl hmang te a nghawng ve dawnlo ani.
4. He hmalakna avang hian sawrkarin thlatin Rs 5,25,93,072/- save in kum khatah chuan 63,11,16,864/-kan save thei ang. He hmalakna hi kalpui ta lo ila, kum khata kan sen ral tur chu Rs. 135 crore vel ani anga, he hmalakna avangin Rs 80 crore velin kan buhfai mamawh hi kan in enkawl theih a beiseiawm ani.
5. He hmalakna avang hian mipui ten bufai buk dik an lak theih phah ngei kan beisei a, retailer te leh supply department te buhfai buk diklo thin anga rin kan ni reng hi kan ram tan leh kan khawtlang nun atan pawh a hrisello a, hei hi chinfel theih ngei kan beisei ani. He hmalakna hi mipui ten minthlawp a, min tawiaawm turin ka ngen ani.

Part B: Hriattur pawimawh dang te:

1. Ration Card din hmun: Mizoramah hian ration card nei mek mi 2,88,757 awmin, mihring 11,72,378 a huam a, he tah hian Food Security dawng thei zat chu mi 7,06,296 an ni a Ration card 1,76,471 awmin, Card var hmang mek Ration Card 1,12,174 atangin member 4,65,708 an awm mek baw. NFSA dawng thei hi ram pumah 60.22 % kan ni a, a huam ve loh hi 40 % vel kan ni. NFSA dawng thei hi Thingtlang ah 35 % (4,13,017) ni in, Urban ah 25 % (2,92,764) kan ni. NFSA a lut mek hi kan state dinhmun enin kan tam lo hie a, mamawh tu mi harsa te te an luh belh theihnan kan Chief Minister Pu Lalduhoma chuan India Prime Minister hnenah DO letter Ni 01/07/2024 khan a thawn tawh a, kan Loka Sabha MP Pu Richard Vanlalhmangaiha pawh lo umzui ve turin ka sawipui tawh baw.

2. Ration card ennawn chungchang: Food security a awm tur thlan dan hi ramri kham mumal a har a, tun dinhmun ah mi harsa tak tak Food Security a awm mamawh ngawih ngawih Card Var a awm si an awm nual tih hriat ani a, hemi ching fel tur hian hma lak chhoh mek ani a, khawpuia cheng kum khata an chungkaw sum lakluh Rs 4 lakhs tling zo lo te chu Food Security ah hian rin lut ila, Thingtlanga cheng kumkhata an sum lakluh Rs 2.5jajhsTllng1cTg^pawh FooTSeoirity ah hian rin lut ila ti a hmalak chhoh mek ani.

3. Card vara dinhmun harsa la awm te chungchang:

Duhsaktu neih ve loh vang leh chhan dang avangin Card Var ah dinhmun harsa an la awmte chungchang:-

(a) NFSA dawng thei zingah dinhmun hat e zawnchhuaha, Card vara awm tirin, Card var hmang mek miharsa te NFSA a thun luh beihpui thlak ani ang.

(b) Ration card hi economic status tehna pawimawh tak anih chho α , Health Care, Ruangphurh, Golden Card etc ah te NFSA a awm hi dinhmun harsa te tan thil hlu tak ani a, Buhfai bikah NFSA scheme hmang nghal vek theilo mahse NFSA category a thun luh thuai hi an mamawh hie ani.

(c) Veng tin leh khaw tina Food Security Committee te kaltlangin leh consultant te vil puina in NFSA hi ennawn chhoh ani ang.

6. Buhfai bo thlau ti reh tura hmalakna:

(a) Retailer ten godown atanga buhfai an khulin buk dikin an khul ngei tih tichiang turin Godown atangin Receipt an la anga, hei hian buk tlinglo a retailer ten buhfai an khul thin a ti ziaawm anga, retailer te leh godown lam an in check tawn thei dawn ani.

(b) Retailer ten thlatin hian mipui te ration khul bang an hralh thin hi phal ani tawhlo α , he mi hlutna hi kumkhatah Rs 25 crore vel ang hu ani α , hei hi kan save theiin kan ring a, Epos/Kut zungpui nem kan tih hi tangkai taka kalpui zel tur ani.

7. Other Information:

(a) September 2023 hma lam khan supplier ten Buhfai man hi an control thin ani bera, an ti sang deuh reng mai thin a, CS hmalakna in October 2023 atang khan tender system hman tan ani.

(b) NFSA hi March 2016 atang khan kan state ah hman tan ve ani a, kutzungpui nem/Electronic Point of scale/Biometric Authentication hmanga buhfai lak hi February 2020 atanga hman ve ani bawk.

Kan zavaia kan tanrual chuan kan ti thei ang.

Ka lawm e.

In thawhpui


(B. LALCHHANZOVA)

Minister i/c Food Civil Supplies & Consumers Affairs.